

玄覽堂叢書

第四十一冊



海運新考卷之中

勘報海道

欽差巡撫山東等處地方兼督理營田都察院右僉
都御史梁夢龍 題爲勘報海道事據山東布政
司呈稱隆慶五年八月二十七日抄蒙臣案驗內
開隆慶五年七月初九日據分巡海右道潘副使
稟帖據委官寧海衛指揮劉崇儒報稱米船五隻
已過鷹遊山齋堂島等處六月二十九日過膠州
靈山海面至福島三十日巳時風順東行本職會

同委官千戶湯詔駕田橫島船一隻引路仍每船撥給島人一名幫送七月初一日晚到海陽所海面連遇東風不息初六日方抵文登縣花石港與委官文登營把總千戶黃汝忠交代理合稟報十一日據委官青州府同知程道東稟帖報稱相同本月二十一日據潘副使稟帖據委官文登營把總千戶黃汝忠報稱在于靖海衛專候南來米船入境交代引路至七月初六日辰時米船五隻方到本衛地方本日午時由大洋蘇島行至申末在

玄真島前灣住次日寅時阻風進入本島守候初
八日辰時得風畧順開船本日午時過成山衛白
峯頭初九日戌時過成山殿東頭俱遠遠開洋行
至初十日申時過威海衛劉公島十一日辰時至
金山所海口灣住守候風便西行已近寧海州養
馬島自此至登州二百餘里皆係無險去處理合
稟報本日據委官登州衛百戶孟得賢稟帖報稱
相同本月二十二日據潘副使稟帖據委官登州
府通判李應斗報稱指揮王惟精等押領米船五

法道新考 卷中
二
隻於七月十四日午時至本府蓬萊閣下十五日
祭廟十六日寅時開船理合稟報本日據備倭都
司張可久稟帖報稱相同本日酉時據萊州府知
府楊起元稟帖據原差探海馬夫報稱十七日申
時指揮王惟精等米船五隻乘風東來到本府城
北海神廟後芙蓉島停泊理合稟報八月初六日
未時據委官登州府通判李應斗呈稱本年七月
初七日承奉山東布政使司劄付蒙撫按衙門批
據本司呈前事仰職即將米石徑赴天津兵備道

交納寄放取本道回文徑報本院施行奉此切照
卑職先蒙分巡海右道潘副使案驗蒙撫按衙門
批據該道呈前事仰職於淮安府督令犯人王佩
等糴米二千石雇船五隻每船量載四百石交付
指揮王惟精等五員押運踏試海道於六月十七
日自淮安開船至八月初三日申時到于天津衛
河口灣泊一路平穩卑職眼同本院續差千戶楊
國勳布政司今差承差王邦魯查驗船米並無短
少卑職等候天津兵備道交割另行呈報外今將

海運新考 卷中 三
船到日期理合星馳具報等因并將樣米呈送前
來本年八月三十日據委官靖海衛鎮撫宋應期
登州衛百戶王九經寧海衛千戶崔士賢益都縣
義勇官王收稟稱蒙分巡海右道潘副使明文蒙
兩院批委職等押領犯人王鳳鸞等前至膠州買
完小麥一千二百石雇船三隻裝載於七月十五
日由本州下海覆試海道本日申時至靈山海口
守風二十八日方得長行八月初三日至登州府
掛號迴避風雨初十日未時至桑島十一日至三

山島十二日至芙蓉島十三日子時得好風長行
二十日至天津城東龍王廟前灣泊見今麥石聽
候交納理合稟報本日據登州府通判李應斗報
稱相同據此照得前項海道旣踏試明白堪以通
行今河道多事

朝廷深以爲憂一切轉運大計正臣子不遑寢食奔
走講求之日但事貴慎始議當稽衆况係大計尤
須致詳應否具題與河道並運爲

國家萬年之利及應有急要事宜合行會議仰司

即便會同按都二司并巡察海道守巡海右等道
備加考訪如果衆見符合有利無害會議明白并
將應有急要事宜通呈兩院以憑覆議會 題施
行蒙此又據本司經歷司呈抄蒙巡按山東監察
張御史案驗同前事蒙此該本司左布政使王宗
沐會同右政使陳絳左叅政劉孝龍光右叅議宋
守約按察司按察使吳文華副使周鑑李汶僉事
高克謙都司署都指揮僉事李希周張承業并巡
察海道副使郭文和分守海右道右叅政徐衍祚

分巡海右道副使潘允端會議得治體莫先於法
祖湏尋已試之規 國計最急於恤民惟求利多之
便海運裕國始自元人至於我

朝洪武末年運七十萬石以餉遼左永樂初制運六
十萬石以給 京師恭惟

二祖聖明獨斷謀臣畫策乃俯循元人之途以足漕
輸之額者誠以都燕之利在海也猶之都秦則必
通渭都汴則必通河方域所拘勢無異便轉輸之
利在海也據其省費則裕民財速達則紓民力全

海運新考 卷中 五
利所委理有當同及尚書宋禮開通濟河猶有三
年一次海運之議輔臣丘濬方當河漕通利尚著
彼不至而此來之文登州海船裁於嘉靖三年遮
洋一總革於四十五載海運遺規盡廢未久使濟
河安流何庸別議邇歲以來河流屢決工程浩大
挑濬艱辛公帑匱乏私貼繁冗民力瘁竭民命傷
殘歲額之漂失太多太倉之空虛可慮致塵

聖明軫念諫官陳言

特遣科臣東視海上又蒙撫按多方踏試據今米麥

船隻皆抵天津並無阻碍誠行海運利有數端萬艘並開舟無守幫之苦片帆徑度糧靡剥淺之虞一年但以夏初上運及時更番足息人力一月可以直達天津乘汛利涉寧用淹時力既息則往來不疲時不淹則行糧可省牽輓於赤日之中運卒久勞矣海上則卧舟可行專仰於行糧之給運卒久貧矣海舟則餘貨可帶運卒有鑿舟而逃者海中則逃將焉歸運卒有竊米爲市者海中則市將誰易其他便利未敢悉陳惟是風波人遂稱險然

河運不免漂失豈必海波海行終無掛欠利亦相
當况今次踏出新道視殷明畧所開尤爲穩捷若
使行船不爽汛期不忽占候自可萬全無失至於
防海衛所犬牙聯絡又緣承平百務廢弛海運之
日漸加整齊不惟足護國漕抑且兼裨海禁開此
一路拱護

神都址以居庸爲城南以大海爲池誠爲

宗社萬年至計法

祖恤民不無兼得乞蚤爲題 請國計幸甚若夫或

多運或少運造船更卒頗費詳圖或總漕或分漕
文武臣工稍應增置此則恭候

宸斷廟謨非藩服微臣所敢輕議等因具呈到臣據
此案照隆慶五年三月內准工部咨爲漕河淤塞
糧運艱阻事該戶科給事中李貴和具題本部覆
題恭候

命下移咨山東巡撫都御史梁夢龍及咨都察院轉
行巡按御史張士佩督同布按二司海右守巡等
官務選才幹官員逐一相勘南自淮安至麻灣北

海道新考 卷中
自天津至海倉口俱係沿海地方經行有無險阻
見今商民船隻是否往來通行陳村以北亭口以
南雖有河形原未䟽鑿務要計處周詳等因題奉
聖旨這事體重大還差給事中一員前去會同該省
撫按官計處停當具奏欽此備咨前來除陳村以
北亭口以南河形已該

欽差工科左給事中胡價會同臣等勘明具

奏訖所據海中道路臣等查訪得南自淮安至膠
州北自海倉口至天津內經衛所州縣海面島嶼

各有商民船隻經行歲久一段自膠州至海倉口
內經衛所州縣海面島嶼亦有島人并商民船隻
經行二十餘年各不聞險阻節行布政使司會同
按都二司巡察守巡等道備倭都司及帶管巡察
海道副使潘允端前後呈請批委才力官役照委
分踏覆委通踏堪以通行本年五月內臣等會同
欽差工科左給事中胡價前後各親詣萊登海面咫尺長山芙蓉等島備細查訪軍衛有司士夫百姓
俱無異詞猶恐未的又經批行帶管巡察海道副

使潘允端設處罪贖委登州府通判李應斗帶領
犯人王佩等于淮安府買米二千石雇海鷗船五
隻裝載每隻十二人撐駕每船一隻并撐駕人雇
值共銀一百兩交付指揮王惟精千戶韓禮陳璋
緣事千戶汪士弘納級官魯礪押領由淮安下海
直至天津通行試驗本年七月初四日准漕運都
御史陳炯回咨內稱准照咨文行淮安府曉諭海
船人戶悉聽原委通判李應斗等募裝米石於六
月十七日自淮安開行出海訖擬合咨覆等因在

卷再委鎮撫宋應期百戶王九經千戶崔士賢義
勇官王收帶領犯人王鳳鬯等于膠州買小麥一
千二百石雇船三隻由膠州下海直至天津覆行
試驗續據各官將經行日期地名米麥船隻灣泊
天津緣由稟報到臣會案備行該司會同按都二
司并巡察海道守巡海右等道備加考訪如果衆
見符合有利無害會議明白并將應有急要事宜
通呈兩院以憑會題去後今據前因該臣會同
巡按山東監察御史張士佩議照自古建都一切

海運新考 卷中 九
轉運莫不因形勝以制便宜洪惟我朝

成祖定鼎燕京轉運大計一由河道一由海道至永樂十年以後平江伯陳瑄開清江浦尚書宋禮開會通河成始盡由河運然海船多存遮洋海運未廢宋禮之議又曰雖由會通僭運每三年海運一次是當時未嘗絕意于海運也爲慮遠矣弘治間大學士丘濬倡議請于無事時通海運故道與河漕並行一旦河漕少有滯塞此不來而彼來又謂海運之利以放洋而其害也亦以放洋今欲免故

洋宜訪素知海道曲折者講求傍海通運之法歷
淮揚青登等府以抵直沽濱海去處踏看萬一可
行是亦良便是時河漕通利未見力行嗣是一遇
滯塞大小臣工疏陳策試數百萬言皆以海運爲
請竟未力行正德迄嘉靖間河患益劇且頻每當
究濬塞築工程浩大刻期勒完晝夜併力公犒私
天貼計費不貲上下窘急接連三省丁夫調發動踰
十萬寒暑風雨暴露經年手足潰爛枕藉傳染疾
病死亡殆不可計大衆數聚久勞怨生啓釁干和

海道新考 卷中
關係不細愛 國之臣深以爲憂我

皇上撫臨華夷

天覆海涵世躋隆平乃去歲邳河陡塞一百餘里今
歲宿遷漂傷無筭異常河變屢見迭出太倉空虛
咽喉梗滯中外危之先蒙

皇上採納忠猷簡差科臣胡價會同臣等計處膠河
期通海運以佐河漕之急

社稷大計孰先于此于時臣等勘得膠河雖屬難開
而原題海道南自淮安至膠州北自天津至海倉

各有商民船隻經行歲久委堪行運及勘得中段
自膠州至海倉一帶海道與南北一水相通亦有
島人并商民船隻經行二十餘年堪以一體行運
自淮安至天津總計三千三百餘里風便兩旬可
達不便稍遲每歲五月以前風順而柔較之六月
以後更為便利臣等前後親詣萊登二府地方督
同叅政劉孝副使潘允端備倭都司張可久萊州
府知府楊起元等登州府署印推官江容可等及
委官青州府同知程道東等三營把總千戶黃汝

忠等選委指揮孫學詩等照委分踏覆委通踏灣
泊程次逐一明白及訪得沿海官民俱稱二十年
前傍海潢道尚未之通今二十年來土人淮人以
及島人做販魚蝦荳往來不絕其道遂通未見
險阻群情踴躍臣等猶懼事無的驗今兩試俱利
兼恐人有遺識今衆見僉同臣等蚤夜思議竊以
大海風波誰則不知然海面多潢猶陸地多岐海
人行海猶陸人行陸傍海而行非橫海而度海道
險利茲可具推臣又與三司各官再三面審行海

委官指揮王惟精千戶韓禮陳璋緣事千戶汪士
弘納級官魯礦并水手等役數十餘人俱稱今次
踏出海道傍海居多間由近洋洋中島嶼聯絡遇
風可依岸上人烟舉目可見若船非乾朽行遵占
候自無他虞較殷明畧踏出之道尤屬穩捷是即
丘濬所稱傍海通運果為良便臣家于陸先年未
至海上不能測識濬議今待罪海邦親勘博訪幾
八閱月始嘆服濬議乃

神京遠計若畏風波則江河與海皆所不免今歲

宿遷河道漂傷衆多是也若重民命則大役死亡
或更多也况歲免濬築永無遷徙天津密邇通州
不煩陸輓既不勞民傷財更擅形勝便宜濬之言
曰家居海隅頗知海舟之便先年前後總漕大臣
王恕曰高郵湖西風大作波濤汹涌損壞船隻失
落錢糧人命不可勝計邵寶曰陸之為勞不減行
海之險陸欽曰汶水道引南接淮泗北通白衛自
元人始然河渠淺澀故終元之世海運不廢永樂
年間禮部會議曰黃河漕運未能周急必藉海運

然後足用諸臣斯言當必有據今議海運誠為足
採臣等愚見請及今日以河道為正運益加綜理
以海道為備運兼為規復萬一河道未易疏通則
海運可至畜艾對證臨急無患河道大工自可安
心濬築如法以垂經乂再照海防至重沿海衛所
疲玩歲乂先年江南閩浙蘇松江北淮揚各沿海
州縣數被倭患近來加意整飭自是寧謐山東海
面東望朝鮮北接遼東西邇畿甸南控淮揚遠達
浙閩真四海上游形勝之區沿海衛所疲玩更甚

又無倭患識者有未然之憂今行海運兼飭海防
是不但有裨于國計兼有裨于地方如是則咽
喉無恐肘掖有備

神京百萬人心自是安定萬年永利

昭代全規我

皇上繼述之善太平之烈光于千古矣至于急要事
宜在設官造舟簡卒充米或先復濶洋舊運或酌
撥就便一總事圖垂久額議漸加自有

廟堂忠猷仰候

聖斷非臣等分所敢議愚所能及伏望

皇上敕下該部會議如果臣等芹曝之愚萬一可採
俯賜施行 國計幸甚

海道覆議

戶部爲勘報海道事該本部題雲南清吏司案呈
奉本部送戶科抄出巡撫山東等處地方兼督理
營田都察院右僉都御史梁夢龍題前事等因奉
聖旨該部看了來說欽此又該巡按山東監察御史
張士佩題同前事奉

海運新考卷中
聖旨工部知道欽此欽遵通抄到部送司案查近爲
河變迭出漕運日艱懇乞

聖明議復

祖宗成法廣餉道以備不虞以紓旰憂事該戶科都
給事中宋良佐等題稱連年河變衝決不一乞要
查復遮洋總以通海運及據天津管倉員外郎胡
昶揭報山東撫按官差委靈山等衛指揮王惟精
等駕運粟米試行海道緣由本部查無撫按衙門
先將遮洋一總照舊議復及查勘經由海道果否

通行防護事宜有無素備速行議處等因覆奉

欽依通行去後今該前因案呈到部臣等會同太子

少保工部尚書朱衡等看得山東巡撫都御史梁
嘉龍巡按御史張士佩各題稱勘試海道先差指
揮王惟精等運米二千石自淮安入海至天津交
卸後差鎮撫宋應期等運小麥一千二百石自膠
州入海至天津上納中間程途不遠運行便利乞
要循行傍海潢道以備海運一節爲照

京師所需糧餉轉輸俱仰給東南

國初漕河海運尚爲兼舉後因漕河通利遂停海運邇來徐邳一帶多被黃河衝決又沿河淺澁不止一處糧運阻悞漂流數多先該言官建白修復海運已經通行查勘去後今山東撫按等官奏稱先該議開膠州等河遂因尋覓海運踏出傍海潢道商販往來已經二十餘年與舊運出放大洋之險不同刊刻書冊竭精覃思逐節註有應棲程島應避險要又稱以運河爲根本以海運爲羽翼用備一時之急誠爲求賴之圖所據具題分明已經

再試無容更議但前項海運廢弛日久一旦舉行
必須先爲少運以後不妨漸次加添應運糧米合
行漕司早爲酌撥附近地方以便轉兌差官督運
必得近海慣習有力量心計者付之懸以賞格以
使樂趨至督催行止及占候灣泊等項亦宜多方
延訪如冊內註稱各處島口大者可灣船百餘小
者止灣船一二十隻如遇前項小島衆船忽避風
濤不堪容受作何區處尤須先期講明約束有法
所用下海船隻與運河漕船不同若令旋爲打造

目今倉卒不及合行暫雇一年俟後另行造辦其
駕運船隻軍士未經習練必先雇覓水手相兼搭
用應給雇值即將淮揚商稅內借用中間派撥條
欵及地方防範事宜通行漕司與山東撫按轉行
各處守巡等官查處周悉務在萬全相應題請

恭候

命下移咨漕運總兵都御史即將近便地方漕糧量
撥十二萬石以上作速運赴淮安如各處赴瓜儀
兌運事體晒揚乾潔務在四月以前赴東南風柔

始便利涉工部即動支節慎庫銀一萬五千兩差
官解赴漕司轉委各兵備等官分校雇覓堪用堅
固海船裝載前項漕糧其多寡悉照山東二次委
官運過則例不得過多以致遇風難於轉舵此書
冊所載海人喫緊之語一面選委督運把總及千
百戶等官管轄旗軍兼同慣熟水手駕運其雇覓
水手銀兩暫于淮揚商稅內動支一萬五千兩如
商稅銀兩不敷前數即將淮揚等府所貯撫按贓
罰贖補後不為例其領運把總指揮等官若一年

無欠者漕司即從優賞獎薦二年無欠者仍聽特
薦破格超陞各項差撥防範事宜開載未盡者俱
聽漕司與山東撫按等官臨時悉心計處應徑行
者徑自舉行應奏

聞者具奏定奪其雇覓船隻水手用過銀兩事完造
冊繳報所有餘剩前銀即貯漕庫以備下年支用
再照漕河一路 國家二百年來極力經營原有
深意海運一事不過用備一策所有漕河衝決淺
澁處所合行河道諸臣查照先今節奉

欽依事理作速修濬以備全運不得指以海運致有
纖毫延緩以悞大計關係匪輕伏乞

聖裁等因隆慶五年九月二十七日戶部尚書張守
直等具題二十九日奉

聖旨是

獎勵官役

該兩院具題戶部覆奉

欽依備咨前來除欽遵施行外照得海道關係

國計至重所據委用官役前後踏試茂有勤勞內

除有罪員役已經該道呈請兩院批允贖罪外其
指揮王惟精等合行禮獎以勵人心為此除案行
布政司并轉行各衙門動支無碍官銀代辦花幣
用鼓樂導送公宇及本家以禮行獎文到各衙門
作速舉行各具動支過緣由行獎過日期回報查
考毋得泛常延緩其後開獻策各官生誠亮可嘉
移文諭獎俾知始末以慰其心各官役承獎之後
務要益勵廉幹以收嘉績俟海運通行之日該司
道將有功員役分別明白呈報以憑獎薦施行如

敢徇私誤事定行從重叅治該司仍轉行巡察守
巡海右各道并備倭都司青萊登三府一體知會
施行俱毋違錯未便抄案依准呈來

計開

靈山衛指揮王惟精最先呈報海道里

數由淮安至張家灣共三千三百九十里極為詳
明後承委督率告納運米犯人王佩糴完米八百
石雇船戶王明張漢海鷗船各一隻人船價銀共
二百兩犯人華詔糴完米四百石雇船戶王洪海
鷗船一隻人船價銀共一百兩犯人樂守澤糴完

海運新考 卷中 二十九
米四百石雇船戶楊果海鷗船一隻人船價銀共
一百兩千戶韓禮原領魯曠鄒做銀糴完米四百
石雇船戶楊木海鷗船一隻人船價銀共一百兩
同千戶陳璋緣事千戶汪士弘納級鎮撫魯曠自
淮安運至天津覆試無碍效勞甚久

青州左衛千戶韓禮踏試海道自膠州海套起至
登州止與指揮孫學詩會集又自靈山衛海口起
至萊州府海倉口止一帶查勘島嶼程次里數灣
泊畫圖貼說呈報詳明又承委于淮安買米雇船

同指揮王惟精千戶陳璋緣事千戶汪士弘納級
鎮撫魯礦自淮安運至天津效勞甚久

以上二員每員銀五十兩布政司支

登州府通判李應斗承委會同指揮王惟精千戶

韓禮陳璋緣事千戶汪士弘納級鎮撫魯礦于淮

安買米二千石雇淮安海鷗船五隻每船一隻用

十二人撐駕人船雇值共一百兩取有淮安總督

漕運衙門回咨在卷仍委本官前赴天津收米又

揭報查過淮安運糧船式及船戶水手姓名效勞

甚乂

萊州衛王徐寨千戶陳璋承委同指揮王惟精千戶韓禮緣事千戶汪士弘納級鎮撫魯礦自淮安運米至天津效勞甚乂

膠州所緣事武舉千戶汪士弘具揭乞試海道開欸事宜俱屬有據後承委淮安買米雇船同指揮王惟精千戶韓禮陳璋納級鎮撫魯礦自淮安運米至天津效勞甚乂

青州左衛帶銜衛鎮撫魯礦承委淮安買米雇船

同指揮王惟精千戶韓禮陳璋緣事千戶汪士弘
自淮安運米至天津效勞甚乂

文登營把總寧海衛千戶黃汝忠承委自文登縣
花石港接到指揮王惟精等米船五隻同引路島
船一隻由大洋避白峯頭送至寧海州養馬島險
要數處俱已歷過又同指揮劉崇儒帶領善曉風
候指引駕船王收李逢泰并島人洪大江等覆勘
海道灣泊處所自登州南至浮島止畫圖貼說俱
屬有據效勞甚乂

寧海衛指揮劉崇儒承委同緣事千戶湯詔駕田
橫島船一隻接到指揮王惟精等米船五隻自浮
島引路送至花石港交代與原委文登營把總千
戶黃汝忠護送效勞甚久

緣事即墨營把總寧海衛千戶湯詔承委自膠州
靈山衛開船由大嵩成山登州等處踏勘至萊州
海倉口登岸備陳海道無阻又同指揮劉崇儒駕
田橫島船一隻接到指揮王惟精等米船五隻自
浮島引路送至花石港交與文登營把總黃汝忠

護送訖效勞甚乂

以上七員內除湯詔已經該道呈請兩院批允
以功贖罪免叅其六員每員銀二十兩布政司
支

青州左衛指揮孫學詩踏勘海道自海倉口起至
登州止與千戶韓禮會集又同千戶楊國勳自登
州起至天津止一帶查勘海口灣泊處所頗爲詳
明又自海倉口起至膠州止畫圖貼說呈報有據
效勞爲乂行青州府支

青州左衛鎮撫高鳳陽承委同萊州衛千戶孫世忠日照縣緣事生員李永熙自膠州起至淮安止沿海踏勘程次及灣泊處所又開報造船式樣及合用官斛官尺效勞為久行青州府支

萊州衛千戶孫世忠承委同青州衛鎮撫高鳳陽日照縣緣事生員李永熙自膠州至淮安沿海踏勘程次及灣泊處所呈報詳明又蒙差往膠州等處查驗指揮王惟精等米船又會同委官青州府照磨郭宗伊督催犯人孟崇仕等買完小麥自膠

州裝載訖效勞為父行萊州府支

青州左衛千戶楊國勳承委同指揮孫學詩踏勘海道自登州至天津止一帶旱岸海口灣泊處所明白又自海倉口起至膠州止畫圖貼說亦備又呈報據船戶蔣朝陽執稱登州上船至虎頭崖俱有島嶼灣泊處所又稱虎頭崖起由海倉口唐頭寨至天津衛九百餘里此路雖遠有灣船處所堪以行運虎頭崖開洋往西北至天津衛五百餘里此路徑便但無灣船處所又同布政司承差王邦

魯前赴天津探聽指揮王惟精等米船到日回報
備畫天津衛海口圖一張又揭報海內時常往來
船隻裝載米麥豆麩布疋等貨自唐頭寨迤東起
至天津衛羅張二店發賣查係濰縣人譚恭張東
海丁邦錦等效勞為义行青州府支

靖海衛鎮撫宋應期承委帶領告納運麥犯人孟
崇仕糴完小麥六百石犯人王鳳鬯糴完小麥六
百石各雇靈山島船同千戶崔士賢百戶王九經
緣事義勇官王收義民李逢泰自膠州運麥至天

津覆試無碍又揭開報稱查對白峯頭係成山衛
地方屢次踏勘今又親駕麥船止見傍岸礁石一
片入水約半里許無風激浪有聲向東開十餘里
即無險阻效勞為父行文登縣支

寧海衛千戶崔士賢承委同鎮撫宋應期百戶王
九經緣事義勇官王收義民李逢泰自膠州運麥
至天津又揭報海道灣泊處所自膠州起至天津
止效勞為父行寧海州支

登州衛武舉百戶王九經承委同鎮撫宋應期千

海運新考 卷中
戶崔士賢緣事義勇官王收義民李逢泰自膠州
運麥至天津又揭報海道灣泊處所自膠州起至
天津止效勞為久行登州府支

登州衛武舉百戶孟得賢揭報海道及行海事宜
俱屬有據又開報自淮安至天津中間成山等處
緊要海面俱屬明白又開報安東衛係淮人土人
商販之處又開報唐頭寨係山東人遼東人永平
人天津人二三四五月間販運布疋米豆麩塊魚
蝦并臨清貨物往來不絕效勞為久行登州府支

寧海州義民李逢泰先同緣事義勇官王收跟隨
文登營把總千戶黃汝忠指揮劉崇儒覆勘海道
灣泊處所自登州起南至浮島止畫圖貼說明備
又同鎮撫宋應期千戶崔七賢百戶王九經緣事
義勇官王收自膠州運麥至天津又揭報海道灣
泊處所自膠州起至天津止效勞為久行寧海州
支

益都縣緣事義勇官王收先同義民李逢泰跟隨
文登營把總千戶黃汝忠指揮劉崇儒覆勘海道

海運新考 卷中 三
灣泊處所自登州起南至浮島止畫圖貼說明備
又同鎮撫宋應期千戶崔士賢百戶王九經義民
李逢泰自膠州運麥至天津效勞為久

以上十員名內除王收已經該道呈請兩院批
免贖罪其九員名每員名銀十二兩

萊州衛王徐寨千戶陳鏜承委與黃縣閑住兵馬
胡以堪雇船裝載米豆自黃縣開船至天津踏試
海道頗屬效勞行萊州府支

黃縣閑住兵馬胡以堪開報海倉至天津水程頗

詳又躬同萊州衛千戶陳鏗雇船戶董一遷船一隻裝載粳米小米菘豆自黃縣開船直抵天津踏試海道並無阻礙頗屬效勞行黃縣支

青州府照磨郭宗伊承委會同押運官鎮撫宋應期等帶領犯人孟崇仕等于膠州買小麥一千二百石雇烏船裝載訖行青州府支

萊州衛千戶趙勗承委節催指揮王惟精等米船起程回報行萊州府支

以上四員每員銀八兩

蓬萊縣儒學廩膳生員盧鈿學行素優首報海道
可行自淮安而下膠靈登萊直至天津海中一帶
灣泊要地有險無險南北商販來歷開報詳確種
種有據後承本院取委校錄海道新考并各圖冊
蚤夜精思效勞甚久

以上一名銀八兩行登州府支

醫官劉守才跟隨指揮孫學詩踏試海道

以上一名已經該道呈允給與冠帶訖

日夜書辦海道文書畫圖本院書吏一名 王宋

以上一名銀十兩行濟南府支

日夜書寫海道文移畫圖本院寫本吏三名

駟邦傑 劉繼文 焦瑁

以上三名每名銀八兩行濟南府支

往來星夜差遣奏報本院承差二名 朱九思

王拱

以上二名每名銀八兩行濟南府支

布政司承差王邦魯同千戶楊國勳接報指揮王
惟精等米船星夜馳報

布政司吏汪東儒查訪天津海口並無淤塞回報
明白頗屬效勞

以上二名每名銀六兩布政司支

海右兵巡道舍人程有材跟隨指揮孫學詩踏試
海道

以上一名銀六兩行萊州府支

膠州民李耀跟隨千戶韓禮踏試海道行膠州支
黃縣漁戶王光顯跟隨指揮孫學詩踏試海道行

黃縣支

熟知海道島人安國祥跟隨指揮劉崇儒踏試海道行登州府支

熟知海道島人洪大江跟隨指揮劉崇儒踏試海道行登州府支

熟知海道島人李得景跟隨鎮撫高鳳陽踏試海道行登州府支

熟知海道島人王天壽跟隨千戶韓禮踏試海道行登州府支

熟知海道島人蔣朝陽跟隨指揮孫學詩踏試海

道行登州府支

以上七名每名銀四兩

獻策官生

青州府同知程道東濟南府同知牛若愚兗州府
推官景嵩青州府推官張集萊州府推官岳凌霜
滋陽縣知縣王埏益都縣知縣杜其驕壽光縣知
縣劉朴臨朐縣知縣李填諸城縣知縣王三錫樂
安縣知縣吳一龍博興縣知縣王堯臣昌樂縣知
縣袁禮高密縣知縣袁穰掖縣知縣趙欽湯高密

縣知縣李尚賓章丘縣儒學教諭陳量濰縣儒學
教諭庾吉登州衛閑住都司沃允謙威海衛指揮
王曰然萊州衛指揮雷鳴春安東衛指揮胡鳴韶
登州衛千戶齊思賢濟寧衛千戶張增黃縣致仕
知縣胡熙正平度州監生崔旦蓬萊縣生員張德
化黃縣生員仲思極萊陽縣生員王業儒日照縣
生員李永熙

以上三十員名移文諭獎俾知始末以慰其心

自淮安納米海運犯人三名 王佩 華詔

樂守澤

以上各犯已經該道呈請兩院批允贖罪訖

自膠州納麥海運犯人二名 孟崇仕 王鳳鸞

以上各犯已經該道呈請兩院批允贖罪訖

會薦憲臣

欽差巡撫山東等處地方兼督理營田都察院右僉
都御史梁夢龍巡按山東監察御史吳從憲 題
爲會薦卓異憲臣乞

賜加秩又住以責成效事訪得山東按察司分巡海

右兼整飭青州兵備管理屯田副使潘允端天性
敏毅智畧弘瞻凡政屬艱大人所縮手獨能挺身
若事值紛遯人所不堪獨能立就久攝數道備歷
諸艱礦盜防有先機盜徒歲無一犯軍民胥服僚
屬共推勞績有裨于地方赤心無忝于臣節誠盤
根錯節之器乃長駕遠馭之才邇者計處遼人益
彰恩信踏試海道更竭勤誠臣與巡按御史張士
佩目擊其勞心服其忠議照世際隆平斯賢才勵
翼今

海運新考 卷中
朝廷懸卓異之格方面有加秩之例若允端者殆其人也况遼人經其計處懷畏方新海道賴其踏試險夷已熟重務方興用人爲急加之激勸精采自殊假以歲時料理益密伏望

皇上敕下吏部再加查訪如果臣言不謬乞將潘允端照例加秩以旌卓異俾之乂任以課功能俟有成效亟

賜超擢展其才猷如或誤事咎將何辭如此則庶職競奮重務有託美爲此具本專差承差黃存禮親

齎謹題請

旨

處置事宜

案照先准戶部咨該兩院會題前事本部覆奉

欽依移咨前來已經備行布政司通行各司道查照
施行外所有委官提調海道設立標記預備船工
事宜合行開款通行遵守庶免臨時錯悞爲此案
仰布政司官吏即便轉行巡察海道守巡海右道
武定兵備道守巡濟南道備倭都司將後開條款

行各委官逐一遵照施行如有未盡事宜該司道
作速議呈定奪事完之日該司道將各委官任事
悞事實跡列為四等具呈兩院以憑分別薦獎戒
効用示勸懲

計開 一 提調海道

即墨營原設提調海防把總二員

提調本營一帶海道自南直隸蘆遊山起至海洋
所黃島止關防口岸設立標記巡革姦弊糧船往
回之日暫駐居中田橫島防護指引灣泊迴避把

總一員鰲山衛指揮僉事朱衣量帶兵快

提調本營策應海道事務把總一員膠州守禦千戶所正千戶匡受爵

文登營原設提調海防把總二員

提調本營一帶海道自海洋所青島起至寧海州養馬島止關防口岸設立標記巡革姦弊糧船往回之日暫駐居中駱駝口防護指引灣泊迴避把總一員寧海衛前所副千戶黃汝忠量帶兵快

提調本營策應海道事務把總一員萊州衛右所

海運新考 卷中
正千戶王通

登州營原設提調海防把總二員

提調本營一帶海道自寧海州崆峒島起至青州
衛唐頭寨備禦百戶所止關防口岸設立標記巡
革姦弊糧船往回之日暫駐居中沙門島防護指
引灣泊迴避把總一員登州衛指揮使趙康侯量
帶兵快

提調本營策應海道事務把總一員登州衛指揮
僉事王科

以上海道係巡察海道守巡海右道備倭都司
地方巡察海道郭副使分守海右道徐叅政分
巡海右道潘副使備倭張都司會同調度案行
各官遵照施行仍委青州府同知程道東登州
府通判李應斗往來提調稽查

提調唐頭寨以西海道自濟南府屬絲罔口起至
大溝河止關防口岸設立標記巡革姦弊糧船回
往之日暫駐居中义山河防護指引灣泊迴避總
委官一員濟南衛指揮同知陶翔分委官二員萊

海運新考 卷中 三
州衛王徐寨千戶陳鏜靖海衛鎮撫宋應期

以上海道係武定兵備道守巡濟南道地方武
定兵備道甄僉事分守濟南道宋叅議分巡濟
南道徐僉事會同調度案行各官遵照施行仍
委濟南府同知牛若愚濱州知州萬鵬程往來
提調稽查

一 設立標記

或口岸或島嶼可以灣泊去處豎立大杉杆每杆
上畫懸黃布大旗一面夜懸大燈籠一箇鐵絲織

繫鐵底鐵蓋糊以油紙或油絹內燃長明燈一盞
務要設法緊束杆上毋致風擺每杆下用小漁船
二隻晝夜伺候懸掛旗燈每船用銅鑼一面見糧
船至即擊鑼為號灣與不灣任其自便糧船行日
為始船盡為止糧船回日為始船盡為止或始或
止俱候該道傳示灣船去處或堪容一二三四十
隻或五六七八十隻或百隻以上或二百隻以上
或三百隻以上各於兩頭豎立大杉杆懸掛旗燈
如本處灣泊滿足不堪再容即收旗燈後到船隻

或趨前或靠後取便灣泊免致壅塞敢有違悞從
重治罪

或礁石或淺灘應該迴避去處豎立大杉杆每杆
上晝懸青布號帶二條夜懸大燈籠二箇鐵絲鐵
繫鐵底鐵蓋糊以油紙或油絹或燃長明燈一盞
二籠一上一下懸掛務要設法緊束杆上毋致風
擺每杆下用小漁船二隻晝夜伺候懸掛帶燈每
船用牛角喇叭一箇見糧船至即吹喇叭爲號令
其迴避糧船行日爲始船盡爲止糧船回日爲始

船盡爲止或始或止俱候該道傳示礁石淺灘去處如根生通岸者如根生連島者礁石淺灘盡處豎立一杆懸掛雙帶雙燈礁石淺灘離岸離島者兩頭盡處各豎立一杆各懸掛雙帶雙燈敢有違悞從重治罪

一預備船工

查得海船安東衛東流所諸城縣膠州靈山衛夏河所即墨營海洋所靖海衛寧津所成山衛百尺所威海衛福山縣招遠縣樂安縣并洪島劉公島

沙門島芙蓉島唐頭寨及案開未盡地方多有素
行海道慣熟水手巡察海道會同守巡海右道備
倭都司精選四百名取具各該州縣衛所保結該
道訓練齊備開造姓名籍貫文冊呈報兩院知會
聽候咨送總督漕運衙門分發糧船指引海道各
後工食奉有

欽依動支淮揚商稅銀兩臨期本院移咨總督漕運
衙門與淮安水手工食一體施行其自山東至淮
安量給盤纏銀幾錢安家銀幾錢應于何項銀兩

動支該道會議明白具呈兩院批允支給以重初
役不為常例仍備細出示曉諭各役知悉

以上俱限二月初十以裏料理完備該道稽查
明白星馳開報兩院該道仍刊為小冊分發駕
船員役各要熟記臨時不許錯認其海道灣泊
迴避去處所轄各有幾處該道并備倭都司另
開手冊預先呈送兩院以憑稽查

一淮安糧船以今十二萬石每船四百而計該船
三百隻今議分六起每起五十隻間兩日發一起

以便小島陸續灣泊

一運米官指揮王惟精千戶韓禮陳璋汪士弘帶
銜衛鎮撫曾曠運麥官鎮撫宋應期千戶崔士賢
百戶王九經義勇官王收各官一面聽該道委勘
灣泊一面聽本院咨送總督漕運衙門運糧

一海運既行海防益當慎重一二喫緊事宜本院
查訪畧有端緒竊恐一隅之見未爲僉同之謀該
司道均切體

國各抱遠猷詳加查訪議擬明白要見某事作何

整備某事作何嚴禁某事作何互察某事作何量
復預先呈報兩院以憑參酌題

請永裨海防

提調北直隸海道自塩山縣口岸起至天津止關
防口岸設立標記巡革姦弊糧船往迴之日暫駐
居中乞溝海口防護指引灣泊迴避委官其衙門
某官某人量帶兵快係天津兵備道地方已經兩
院移文北直隸撫按轉行該道查照會同武定兵
備道守巡濟南道一體施行

北直隸一段海道 灣泊一節止應于口岸處所
豎立標記別無島嶼迴避一節止應于淺灘處所
豎立標記別無礁石

一海道自南直隸淮安起至北直隸天津止共計
三千三百餘里南直隸除河行兩日之程出六套
口至鷹遊山止海行一日之程北直隸起鹽山縣
口岸至天津止海行兩日之程中間海道俱山東
青登萊濟四府地方

海運新考卷之中